


隨隱漫錄

宋 撰

潘安仁關中詩云肝腦塗地白骨交衢夫行妻寡
父出子孤劉灣雲南行云妻行求死夫父行求
死子形容鰥寡孤獨之操極矣然傷於直未若
曹松云憑君莫話封侯事一將功成萬骨枯陳
陶云可憐無定河邊骨猶是香閨夢裏人卽漢
文帝所謂多殺士卒傷良將吏寡人之妻孤人
之子獨人之父母得一亡十朕不忍爲也雖然
趙充國王忠嗣曹彬等固不多見舞干羽而苗



格者何人哉

戰國四君無忌爲賢田文次之趙勝又次之黃歇無足取無忌屈身以迎侯嬴間步以交毛薛恭近於禮忘身救趙納言如流信近於義趣駕還魏敗蒙騫於河外不可謂不智也田文雖好客納諫而不擇臧否招納亡命之徒爲逋逃主此士之所以不至也勝有一毛遂而不識歇相楚餘三十年以奸固位進李園之女弟以圖楚國亂人苗裔殞非其命天實假手非當斷而斷之不幸也宜也

朝參御殿如冬至歲節朝賀大禮奏請致齋則御大慶上壽賜宴望參賀祥瑞勝捷則御紫宸宴唱名則御集英常參官起居聽麻宣布則御文德宰執奏事則御延和武舉及軍班授官則御講武試進士及講讀則御緝熙明堂郊祀稱賀則御端誠常朝四參自九月十一至五月十二日竝御垂拱大祀假忌前假事五月十三至九月初十竝御後殿凡趨朝出入門不端簡朝堂行私禮交互幕次語笑誼譁殿門內聚談行立失序立班交語相揖無故離位拜舞不如儀穿

班仗出入皆謂失禮閣門彈奏有貴戚卿監郎官至院轄書監以上五日分輪一員上殿謂之輪對前半月閣門以資次十員為一單關尚左轉牒諸官預辦劄子伏臘則免凡臺諫月繳進謂之本職公事侍從左右史樞密都副取旨謂之直前奏事三衙大帥謂之執杖子奏事各臨時閣門若在外執政事則謂之內引

內命婦五品貴妃淑妃德妃貴儀淑儀淑容順容婉儀婉容昭儀昭容昭媛修儀修容修媛充儀充媛媛好美人才人侍御郡夫人十字六字四

字兩字兩國四字兩國兩字一字國夫人為一品尚正尚宮尚儀尚食尚服尚圍尚翰尚拭尚制尚薰司衣司寶司飾司圍司言司膳司劑司設司采典衣典寶典飾典製典圍典籍典醞典珍典樂掌衣掌記掌味掌樂掌圍掌籍掌醞紅霞帔知尚書內省事仙韶使副使小殿直都知押班為二品紫霞帔尚書省都事大侍御小殿直第一等長行仙韶都頭為三品聽宜尚書省內事錄事小殿直第二等長行仙韶色為四品殿直散直散手書省小事御皇后閣祗候小殿

直第三等長行着緋着綠女童為五品

劉向楊彪盡忠漢室而欲附王莽修為操謀臣却
情盡忠于晉而超附桓溫以傾晉其父析薪其
子非惟弗克負荷又從而賣君父墮家聲僅取
一時之榮而不忠不孝之罪萬古莫掩哀哉

李廣殺降卒七百人故不侯虞翊殺降賊數百人
故二十餘年家門不增一口嗚呼二君猶若是
則項羽坑秦卒二十萬白起坑趙卒四十餘萬
獲罪于天將若之何

書首堯舜詩首文王春秋首魯隱史記世家首泰

伯列傳首伯夷最有深意使人人如是則商臣
之禍不作於楚建成之變不生於唐

高沙榮全據城叛召官奴毛惜惜佐酒惜惜罵曰
汝本健兒官家何負於汝而友吾有死耳不能
為反賊行酒全以及裂其口立命鬻之罵至死
不絕鬪臣以聞特封英烈夫人且賜廟潘紫岩
有詩云淮海艷姬毛惜惜蛾眉有此萬人英恨
無七首學秦女向使累頭真杲卿玉骨花顏城
下土冰魂雪魄史間名古今無限腰金者歌舞
筵前過一生

錢唐范十郎二女俱爲雲間富民陸氏妾長曰鶯鶯寵盛早世次日燕燕與羣妾等陸病且貧貨所居棲墓廬羣妾散去燕燕獨不忍去同食貧今十年陸死自鬻以葬焉嗚呼豫讓懷智伯國士恩始以國士報燕燕得不賢於讓哉

韓香南徐娼也色藝冠一時與大將葉氏子交閉門謝客將終身焉葉父恚投牒有司集鰥軍于射圃中射之射中者娶之一老卒射中香欣然同歸謂曰夫婦有禮爾買羊沽酒召吾親故以成禮賓主酒三行香出所賚金獻之入更衣久

不出自刎矣嗚呼白刃可蹈也不爲非義屈歐陽公作雜傳錄遍及五代之臣香雖賤可入雜傳以其節亦可尚矣

杭州治舊錢王宮也紹興初因以爲行宮皇城九里入和寧門左進奏院玉堂右中殿外庫至北宮門循廊左序巨璫幙次列如魚貫祥曦殿朶殿接修廊爲後殿對以御酒庫御藥院慈元殿外庫內侍省內東門司大內都巡檢司御厨天章等閣廊回路轉衆班排列又轉內藏庫對軍器庫又轉便門垂拱殿五間十二架修六丈廣

八丈四尺簷屋三間修廣各丈五朵殿四兩廊各二十間殿門三間內龍墀折檻殿後擁舍七間爲延和殿右便門通後殿殿左一殿隨時易名明堂郊祀曰端誠策士唱名曰集英宴對奉使曰崇德武舉及軍班授官曰講武東宮在麗正門內南宮門外本宮會議所之側入門垂楊夾道以芙蓉環之朱闌二里至外宮門節堂後爲財帛生料二庫環以官屬宜舍轉外窰子入內宮門廊右爲贊導春坊直舍在講堂七楹外爲講官直舍正殿向明左聖堂右祠堂後凝華

殿瞻策堂環以巨竹左寢室右齊安內人直舍百二十楹左夔齋太子賜號也接繡香堂便門通繹巳堂重簷覆屋昔楊太后垂簾於此曰慈明殿前射圃竟百步環修廊右博雅樓十二間廊左轉數十步雕闌花甃萬卉中出秋千對陽春亭清霽亭前芙蓉後木犀玉質亭梅繞之由繹巳堂過錦膳廊百八十楹直通御前廊外後苑梅花千樹曰梅岡亭曰水花亭枕小西湖曰水月鏡界曰碧澄牡丹曰伊洛傳芳芍藥曰冠芳山茶曰鶴丹桂曰天闕清香堂曰本支百世

佑聖祠曰慶和泗州祠曰慈濟鍾呂祠曰得真
橋曰洞庭佳味茅亭曰昭儉木香曰架雪竹曰
賞靜松亭曰天陵偃蓋以日本國松木爲之翠
寒堂不施丹雘白如象齒環以古松碧琳堂近
之一山崔嵬作觀堂爲上赫香祝天之所吳知
古長林修處每三茅觀鐘鳴則觀堂之鐘應之
山背芙蓉闕風帆沙鳥履舄下上一溪縈帶通
小西湖亭曰清漣怪石夾列獻瑰逞秀三山五
湖洞穴深杳豁然平朗翬飛翼拱凌虛樓對瑞
慶殿損齋緝熙崇政殿之東爲欽先孝思復古

紫宸等殿木圍卽福寧殿射殿曰選德坤寧殿
貴妃昭儀婕妤等位宮人直舍蟻聚焉又東過
閤子庫睿恩殿儀鸞修內入翰林諸司是謂東
華門

夫子沒歷秦漢晉宋齊梁陳隋至唐明皇始封文
宣王真宗欽加尊崇禮臣定議爲至神元聖帝
而李清臣者獨曰周室稱王羣臣不當爲帝於
是僅加玄聖二字異代尊崇何預於周果如所
言則公亦不可封矣雖萬代帝王之師何假虛
名而清臣之罪所當筆誅故執筆以埃

衛青少爲平陽公主馬前奴後貴顯公主擇配無
踰青者卒歸之北齊後宮一裙之費至直萬疋
周滅其國后妃以賣燭爲業南唐劉承勳窮奢
極侈蓄妓樂數千一妓價數十萬教以伎藝人
服飾稱之歸京乞食凍餒死軍卒楊杲宗爲丁
晉公築第丁貶海上朝廷以第賜杲宗劉美善
鍛金後貴顯賜上方器視刻工名多美所造嗚
呼世事翻覆往往如此惟德行文章照耀今古
彼富貴猶蝨蝨醯雞豈足恃哉

隨隱漫錄